

# JUOIGIID SEARVVI NJUOLGGADUSAT

## § 1. NAMMA

Searvvi namma lea Juoigiid Searvi.

## § 2. ULBMILAT

- ovddidit ja sealluhit árbevirolaš juoigama ja dajahallama
- ovddidit ja nannet luđiid vuoigatvuođa dili
- geahččalit ásaht ekonomalaš doarjjaortnegiid juoigiide nugo stipeanddaid, foanddaid ja eará ekonomalaš gaskaomiid
- fuolahit ahte luođi olggosaddinvejolašvuođat buoriduvvojit
- fállat fágalaš bagadeami ja oahpaheami sidjiide geat háliidit luđiin bargat
- ásaht ovttasbarggu eará dáiddajoavkkuiguin dahje eará orgánaiguin jus oaidná dárbblašlažžan.

## § 3. MIELLAHTTOVUOHTA

- Juoigiid Searvvi miellahttun sáhtta beassat juoigi gii hálddaša árbevirolaš juoigansuopmana ja máhtta juoigankultuvrra. Ohcci galgá sáddet iežas juoigan luođi stivrii.
- Juoigiid Searvvi nammada lávdegottiid iešguđet juoiganguovlluin. Stivra mearrida leago dárbu sáddet ohcamiid lávdegottiide.
- Searvvi stivra mearrida galgá go ohcci dohkkehuvvot miellahttun. Ohcci gean stivra ii leat dohkkehan miellahttun sáhtta váidalit ášši jahkečoahkkimii mii galgá nammadit sierra lávdegotti guorahallat ášši.
- Miellahttovuohta sáhtta sihkkovuvvot jus miellahttu rihkku searvvi njuolggadusaid dahje jus jahkečoahkkin oavvilda ahte lahttu lea vuostaldan searvvi ulbmiliid.
- Miellahttovuohta sihkkovuvvo jus ii leat máksán miellahttomávssu jagi lohppii. Sihkkovuvvon miellahttu sáhtta máksit miellahttovuođa ođđasit ja lea fas miellahttu.
- Searvvi gudnemiellahttun besset badjel 65 jahkásaččat guđet leat leamaš 10 jagi miellahttun.

## § 4. JAHKEČOAHKKIN

- Jahkečoahkkin lea searvvi alimus mearrideaddji.
- Jahkečoahkkimii gohččun sáddejuvvo miellahtuide 1 mánu ovdal čoahkkima. Áššebáhpárat sáddejuvvojit miellahtuide 2 vahku ovdal jahkečoahkkima.
- Áššit maid miellahtut háliidit jahkečoahkkima ovdii sáddejuvvojit stivrii 3 vahku ovdal jahkečoahkkima. Dušše áššit mat dáinna lágiin leat ovddiduvvon sáhttet ovdanváldojuvvot ja gieđahallot jahkečoahkkimis.

Jahkečoahkkináššit:

1. Stivrra jahkedieđáhus
  2. Rehketoallu
  3. Bušeahtta
  4. Doaimaplána
  5. Lahttomávssu sturrod
  6. Áššit maid stivra dahje miellahtut evttohit
  7. Evttohusat ja cealkámušat
  8. Boahtte jahkečoahkkima báikki ja áiggi
  9. Válljemat
- Ovdaolbmo, stivralahtuid ja sadjásaččaid válljen  
Ruhtadárkkisteaddji válljen  
Eará válljemat

## **§ 5. LIIGEAHKEČOAHKKIN / MIELLAHTTOČOAHKKIN**

Liigejahkečoahkkín/miellahttočoahkkín dollojuvvo go stivra dahje eanetlohku miellahtuin dan gáibidit.

## **§ 6. LÁVDEGOTTIT**

Jahkečoahkkín dahje stivra sáhtta ásahtit erenoamáš bargojoavkkuid, lávdegottiid ja ráđiid.

## **§ 7. STIVRA**

- Stivra lea searvvi barggu láidesteadđji ja stivralahtuid válljen galgá ovddastit olles Sámi mii lea JS doaibmaguovlu, davvi-, julev-, máttá- ja nuortasámi (Norga, Suopma, Ruotta ja Ruošša).
- Stivrras leat vihtta (5) lahttu. Ovdaolmmoš, nubbinovdaolmmoš ja 3 stivralahtu. Stivrii válljejuvvojit 3 várrelahtu.
- Stivra válljejuvvo 2 jahkái hávil. Bealli stivralahtuin válljejuvvo juohke nuppi jagi. Áirasat sáhttet ođđasis válljejuvvo go sin áigodat lea nohkan.
- Stivračoahkkimis lea mearridanváldi go ovdaolmmoš ja guokte eará lahtu leat čoahkkimis.
- Dalle go jienat stivračoahkkimis mannet dásil 2 ja 2, de ovdaolbmo jietna mearrida čoahkkima mearrádusaid.
- Ovdaolmmoš čállá áššelisttuid ja gohčču stivračoahkkimii. Stivračoahkkín dollo jus uhcimusat golbma stivralahtu dan gáibidit.

## **§ 08. JIENASTEAMIT**

Stivra-, lahtto- ja jahkečoahkkimiid mearrádusat dahkkojit dábálaš eanetlogu jienastemiin. Jus jienat juohkásit dásálagaid, de jienastuvvo ođđasit. Lahtto- ja jahkečoahkkimiid jienasteamit dollojit čálalaččat jus soames gáibida.

## **§ 09. RUHTAHOIDU**

Searvvi rehketoallu lea SDR rehketoalu vuolde ossodatrehketoallun. Juoigiid Searvvi stivrras lea ovddasvástáduš áimmahussat searvvi ekonomii ja áššiid.

## **§ 10. NJUOLGGADUSAID NUPPÁSTUHTTIN**

Njuolggadusaid sáhtta nuppástuhttit jus uhcemustá 2/3 oassi jahkečoahkkimis gáibida nu dahje § 4 vuodul.

## **§ 11. HEAITTIHEAPMI**

Searvvi sáhtta heaittihit jus uhcemustá ¾ lahtuin mearridit nu čálalaš jienasteami bokte. Jus searvi heaittihuvvo, de galgá searvvi opmodat geavahuvvot luođi ovddideapmái.

Dohkkehuvvon Juoigiid Searvvi vuođđudančoahkkimis 14.11.98.

Rievdaduvvon jahkečoahkkimis 16.02.02, jahkečoahkkimis 22.3.03, jahkečoahkkimis 25.02.12 ja jahkečoahkkimis Ubmis 08.03.2014, jahkečoahkkimis Kárašjogas 09.02.19